



We will be conducting system maintenance from 21 Feb, 10pm to 22 Feb, 9am. Patrons will not be able to use NLB's digital services during this period.

## Sukan SEA: 6 emas jadi matlamat Persisi

Berita Harian, 25 February 1997, Page 11

Article also available on Microfilm Reel NL20912

Printer-Friendly Page

# Sukan SEA: 6 emas jadi matlamat Persisi

SILAT , Oleh ' YUSOFF A. RAHMAN

MASA beredar dan matlamat turut berubah.

Jika dalam Sukan SEA Chiang-mai 1995, matlamat Persekutuan Silat Singapura (Persisi) hanyalah mengutip empat pingat emas, tetapi kini mereka berharap untuk dapat menggondol sekurang-kurangnya enam emas dalam Sukan SEA Jakarta pada Oktober ini.

Harapan itu telah dilahirkan oleh presiden Persisi, Abdul Rahman Ismail, dalam majlis sambutan Hari Raya di sebuah hotel malam kelmarin.

"Persisi ingin para pesilatnya merebut enam emas. Matlamatnya agak tinggi tetapi kami telah mengubahsuai cara pemilihan dan latihan untuk memenuhi hasrat tersebut," kata Presiden Persisi itu.

Menurut beliau, para pesilat yang terpilih untuk mengikuti latihan skuad negara akan mengikuti

skim latihan yang dapat memastikan mereka boleh mencapai kemuncak tahap keupayaan masing-masing.

Harapan itu mungkin dipengaruhi oleh kejayaan Singapura mengutip tiga pingat emas dalam Kejohanan Pencak Silat Terbuka Malaysia di Kuching pada akhir tahun lalu.

Tiga pesilat itu ialah Sheik Alauddin, A. Kadir Ibrahim dan Siti Fairuza.

Inilah kali pertama Kadir dan Fairuza mengutip pingat emas dalam kejohanan antarabangsa.

Tetapi di Sukan SEA Chiang-mai, Singapura sekadar mengutip satu emas melalui Sheik Alauddin, dua perak dan dua gangsa.

Bagaimanapun, Penasihat Persisi, Encik Ibrahim Othman, yang juga Anggota Parlimen Kawasanundi Perwakilan Kumpulan (GRC) Bishan-Toa Payoh, menaruh keyakinan para pesilat boleh mencapai le-

bih daripada matlamat presiden-nya.

"Singapura terkenal dengan kedudukan utama seperti lapangan terbang dan pelabuhannya. Jadi kenapa tidak dalam silat di Sukan SEA nanti.


"Yang penting, para pesilat harus serius dalam membuat persiapan dan latihan," kata beliau.

Sebanyak 20 pingat akan dipertandingkan dalam Sukan SEA Jakarta termasuk 14 dalam acara olahraga.

Bakinya adalah bagi acara seni dan jurus wajib.

"Kami mempunyai peluang mengutip empat pingat emas dalam acara olahraga," kata Setiausaha Persisi, Jamaludin Jamil.

Selain daripada Sheik, Kadir dan Fairuza, turut menjadi harapan dalam acara olahraga ialah Normila Arman dan Hidayat Hosni.



**HARAPAN EMAS:** Tiga pemenang pingat emas dalam Kejohanan Terbuka Malaysia — Siti Fairuza, Sheik Alauddin (tengah) dan A. Kadir Ibrahim — menjadi harapan negara di Sukan SEA Jakarta. —

; Gambar oleh JOHARI RAHMAT.